

hieran gelegen sein will / damit er zu rechter Zeit in die sichere Herbergen gelangen / allda sein Ruh/ Pfleg vnd warth haben/ vnd sich hierdurch widerumben erquickten möge. Welches jesterzehlte also männiglich bekandt/ daß ein mehrers hiervon zu replicieren vnmöthig seyn will.

Darauf
der Länder
Eigen-
schafft zu-
erkundigē

Nun müssen sich aber beede wolernannte Delectores, vnd Viatores, an den jenigen ihnen vorgelegten Mappen/ sie seyen nun groß oder klein/ wie sie ihnen etwann zur Hand kommen/ hteran bemühen lassen/ da dann der Historicus/ gern der gar grossen Land-Karten sich darinnen zubespiegeln/ der Reisende aber/ vmb besserer commoditet willen / dieselbige geschmeidige bey sich zuführen / das kleine format erwöhlet/ in welchem einig vnd allein die vornembste Stätt / worinnen dann auch am meisten zu sehen vnd zuerlernen ist/ vffgerissen/ desiderieren thut. Da dann wie leichtlich zuermessen / zu beyden Theilen unterschiedliche Gedancken fallen / ey wäre doch dise Mappen groß genug/ der ander aber ihme wünschete das sie doch klein vnd geschmeidig seyn möchte/ daumoch aber so müssen sie beedersseits / ihres Wunsches auß mangel der handgreifflichen Praxi vnd operation selbstem / dieweil sie dieselbige noch nie erlernt haben/ entrathen / vnd also wie vngern es mannichmahl auch geschihet/ dem tertio des Geographi willen/ vnterworffen seyn / welcher alsdann Senza Ceremonia, (noch machung vil prangender Wort/ vil weniger des so vnußen vergeblichen Geschwätzes / die liebe Zeit nicht zubringen mag) nur gleich das Werck selber durch sein frischen Muth/ mit hilff/ der ohne daß/ schon bey sich habenden wol eingerüsteten Mechanischen Reisladen angreiffet / dieselbige eröffnet / vnd also die hierzu taugenliche Instrumenta herauß nimbt / sein Hand würcklich anlegt. Jegunder dem Historico die Mappen ergrössert/ dem Viandanten oder Peregrinanten aber/ dieselbige verkleinert/ dannenhero er solchen beeden Gemüthern den Willen zuerfüllen vermögt ist. Wie aber durch ein einfältige / gar behände / auch just vnd gerechte Manier/ ohne sonderbares Kopffbrechens / noch einicher Arithmetica, ein gemeiner Handwercksmann (der Hochverständigen zugeschweigen) eine zuvor schon gute/ vor ihme daligende Mappen/ allein mit zweyen Zirckeln/ einweders ergrössern/ oder aber verkleinern könne/das alles ist in meiner in den Truck gegebenen Mechanischen Reisladen an folio 37. bis folio 40. ganz klärlich vmbständlich/ vnd also vertrewlich beschriben worden / das ich der gänglichen Zuversicht gelebe/ das von wegen/ derselben so deutlichen Vorbildung es auch ein junger Schulknab / nachzuthun vermögt seyn werde/ dahin ich nun den Liebhaber der Geographia will gewisen / beneben mich in allem sovil als das abtragen der Land-Karten betrifft / darauff referiert haben. Solte aber der Jung angehende Geographus, an hievornen erlernetem versehen/ oder abtragen der Mappen/ noch nit ersättiget/ sonder dieselbige von ganz-newem/ auß rechtem Fundament herrührender Action, des selber sehens / vnd also gleich frisch von dem Feld herein zutragen / ihme die Mühewaltung zu nehmen sich nit verdriessen zu lassen/ damit er hernach desto sicherer glauben könne das dieselbige gerecht vnd vnfehlbar seye / so mag ers auff hernachfolgende weiß vollziehen.

Vnd die
Mappen
mit zweyen
Zirckeln
abzutragen.

Das Kupf-
ferblatt
No: 5.

Das Kupfferblatt No: 5.

Ein Landschaft von zehen Flecken vnd Dörffer / von dem Feld herein/ auff eine Mappen zubringen.

Zur Gleichnus/ man wolte dismahl / allein vmb bessers Verstands willen / sich am ersten nicht sonders vil zubemühen/ zehen Flecken vnd Dörffer als da seynd

Ein Land-
schafft
gleich von
dem Feld
herein

Bergdorff - -
Guttingen - -
Herrenburg - -
Wildberg - -
Wespen - -
Ordingen - -
Selden - -
Feldingen - -
Naspis - -
Heigelingen - -

Auff ein Mäpplin zubringen/ gesünnet seyn / so muß zuvorderst die Landschaft beobachtet/ fürnehmlichen vnder solchen Derttern zwey hochgelegene Dörffer/ als da seynd Bergdorff/ zum ersten/ alsdann Heigelingen zum andern Stand/ erwöhlet werden/ damit man von einem diser beeden/ zu dem ander. / von solchen beeden aber / hernach gegen all- noch übrigen acht Dörffer gar geruwig vnd vnverhinderlich hinaus sehen möge. Alsdann so können sie samentlichen/ wie bald vermeldet solle werden/ herein / auff ein Bogen Papir gebracht/ vnd hierauf ein Land-Karten darzustellen.

Demnach die vorgehende / als auch nicht weniger dise gegenwertige / vnd also insgesampt all meine Scripten dahin zihlen/ auch sich nach möglichkeit auff das eusserste bemühen / das jenige/ welches bis daher an des Tageslicht zugeben / für nutzlich zu seyn erkandt / meinem Nebenmenschen darmit wolmeinend zu dienen / auch es ihme also recht vertrewlich an die Hand zugeben / daß er solche Ding in gar kurzer Zeit fassen vnd begreifen möge/ beneben geringer Mühe vnd wenigen Vnkosten zu Werck setzen

setzen